

Paroki kotoguvang kokuangan kousinan di kopusou kozo, minonuidong iso lahan panakadai



REV. Fr. Wilfred Atin, Rektor St Michael Paroki Penampang

Dec 18 2020

Kozuuzuvo diti toluo talaat modohiu ii au po insan do naantakan kopokito do kaantakan di kopusou kokomoi do kousinan i otoguvang do kogumuan tuhun, om au nogi nohian o Panambazangan.

Minoboos i Rev. Fr. Wilfred Atin rektor do Paroki St. Michael Penampang do umivad dii do mantad di lahan koubasanan kopogiuman usin kumaa di lahan touhan i au avagat, otoonong om hobi id kosunduvanan.

"Kivaa guno do umivad mantad di lahan koubasanan kopogiuman usin miaga do makan sodop, tikit kinasip, konsot om dagang toukut-ukut.

Otumbazaan zou do kivaa lahan di hobi vinasi id nombo do potitikid tuhun au avagatan om ounsikou ginavo do monohuod manakadai do kousinan do Paroki," ka di Fr. Wilfred Atin di kavavagu id Suat Pastoral dau id Timpu do Kapagandadan.

Di ontok ko 29.11.2020, dinadi i hizab do Paroki i nuhuvan do 'Pakaazan doid Paroki di Koimazaan' sabaagi lahan impoon do popomogot do kotoinaan pastoral, kousinan om kotos di kopusou

kozo tu momoguno sakadai, sabap no diti COVID-19, ii kapagantob do Paroki St. Michael do monuhuk di hizab dosido.

Di ontok ko 17 December, 2020, pinopointutun ii Rev. Fr. Wilfred Atin do iso lahan kavavagu doid di buu'an ngaavi do Paroki pungaan do 'Lahan Titohud Paroki'(Parish Donation System) ii kaanu manakadai kousinan Paroki. Lahan diti kopogompit do Batos Titohud do mantad paganakan toi tosoosonguhun id kampung Katolik Komuniti(Kg.CC) om KKD(KKS-Komuniti Kristian Sandad) id Paroki St. Michael.

Pinopoiho ii Fr. Wilfred do i nopo Lahan Titohud Paroki nga okon noopo ko lahan di ouhud nga kaanu popionit do saviavi ongotumbazaan id pototongkop do Paroki.

Ahansan isido do adadi iti do iso lahan koubasanan do kavavagu. Pinosoto nogi do iti nopo nga "iso lahan di hobi ouhud miampai atahang om asanang do monoina", om otumbazaan isido do kapanaak iti do kounalan doid di tinimungan tuhun mogiigizon id Paroki om kopongunsub dioho do mamaamasi id di hoogo di Abal Tavasi.

"Kaanu iti do popisamo do saviavi pionitan id paroki; tosoosonguhun/paganakan, KKD, Kampung Katolik Komuniti, Zon ngaavi om Upis Mission," ka disido do pinopointahang.

Iti Lahan Titohud Paroki diti kopokito nogi do pingisaman mantad di paganakan om tosoosonguhun do monohud tumanud do kaandak dau id piahatan do RM10 gisom RM2000 toi ko songkuo nopo id pihid do tikid minggu, tikid vuhan toi tikid toun.

	DONATION FROM FAMILY / INDIVIDUAL "TOWARDS AN AMAZING PARISH" Website: www.stmichaelparishpenampang.com Tel: 088-711 009, 715 804 HP: 010-2011 009, 016-7172 009	
Enclosed, please find herewith my/our sincere donation to Penampang Parish. I/We COMMIT TO GIVE:		
<input type="checkbox"/> RM10 <input type="checkbox"/> RM50 <input type="checkbox"/> RM100 <input type="checkbox"/> RM200 <input type="checkbox"/> RM500 <input type="checkbox"/> RM1000 <input type="checkbox"/> RM2000 <input type="checkbox"/> RM_____		
Every: <input type="checkbox"/> Week <input type="checkbox"/> Month <input type="checkbox"/> Year		
<i>It's not how much we give but how much love we put into giving.</i> <i>St. Teresa of Calcutta</i>		
		Name: _____ Address: _____ Email: _____ Mobile No.: _____ Zone Name: _____ Signature: _____ Date: _____

Sinapou nopo do ongotumbazaan id paroki do St. Michael Penampang nga id piahatan do 16,000 – 18,000 om paganakan id piahatan do 3,800 – 5000.

Minoboos ii Fr. Wilfred Atin do avaavagat di o toinaon do pakakalaja do Upis Mission om buu'an ngaavi id Kampung Katolik Komuniti om KKD do papapanau diti.

Lahan diti papanaon miampai kaampazatan do buu'an ngaavi id kampung om buu'an KKD sabaagi do i ontodonon pionitan do paganakan om tosoosonguhun mononohuod, om nogi Komiti Zon Pastoral om Komiti Kousinan ii popoiho do Upis Mission do Paroki.

Sompipion i do Upis Mission ii Titohuod pinabatos mantad di ngaan ngaavi di nokosuat om manantu kozo do au oihaan kointutunan di minonohuod.

Monoboos nogi ii Fr. Wifred do ii nopo Titohuod Paroki nga misuvai mantad di tohuod notimung ontok Tadau Minggu toi mantad koponohuadan natantu id Paroki.

Pinopoiho isido do kavavagu dati iti id Paroki do Penampang, nga lahan diti okon i' ko' kavavagu om tiningan do minonoodo.

"Iti nopo nga lahan koubasanan id suvai kinoizonon do pomogunan hoohobi no kozo id USA. Mogisuusuvai ngaan pomungaan diti, miaga do Kapataakan Paroki, Kapataakan Katolik maza Online, om suusuvai po," ka disido.

Otumbazaan isido do "I ongotumbazaan ngaavi momoguno po do timpu do minsingubas diti om do mamadadi diti do iso lahan id Paroki."

Id kopotikidan di titohuod ngaavi, pinatahang di Fr. Wilfred do, "Ii Faado do Paroki, songovian di Puu Kousinan om Kotos do Paroki, manantu di kopotikidan di titohuod ngaavi notoimo kumaa doid zon ngaavi, Katikis Paroki om Komiti Balajalan Paroki do tikid toun, toi songian do momoguno."

Ahansan kozo isido do adadi iti do pokodung kousinan poimponu aiso gontob do poposimban do Paroki om zon ngaavi id komogoton do kotoinaan om koumatan do pastoral kaampai no kapanaadaan do poizanan kulita, hintuun togumu guno, kadai ponginuman/pangakanan, hinimput pokitanan(gallery), upis montok saviavi kotinanan om lay movement om kapanaadaan kahabangan paroki.

Nookuo tu timpuunan do Paroki St. Michael iti lahan kavavagu kopogiuman kousinan?

Id suat Pastoral di Rev. Fr. Wilfred Atin id Timpu Kapagandadan di ontok ko 10 Dec, minoboos isido do uha-uha i' nina'u kokomoi guno do lahan kavavagu kopogiuman kousinan diti:

"Iti lahan kavavagu do kopogiuman kousinan nopo nga oponsol om paagabon tu pointoguvang tokou do kozuuzuvo diti toluo talaat modohiu Covid-19.

"Ii nopo kousinan do Paroki tokou nga mantad haid titohuod tadau Minggu, abaabazan Kopomiukutan usin, Carolling Timpu Kapagandadan, Tohuod Timpu Koponogitan(montok gunoon di natantu), pokionuan misa ngaavi om sakadai ngaavi mantad polinta.

Oimou'an i' kozo haid do poguhu i' do minokot iti toluo talaat modohiu, nga au nodii do baino.

"Tomoimo kotimung tokou haid do id piahatan do RM12,000 om RM15,000 do sominggu mantad tohuod ngaavi id 13 panambazangan id siibo do Paroki Penampang. Timpu tumahib timpu, kivaa dii do kinokuango do titohuod mantad diti panambazangan ngaavi, ii togumu nopo kozo nga id piahatan do RM5,000 om RM8,000, om ii tokuudi nopo nga id piahatan do RM15.00 om RM35.00.

"Panambazangan do St. Michael tu agazo, no ii tugumu no kozo monohuod do kokomoi do Titohuod Tadau Minggu. Nga iti nopo nga poguhu'i do nokoikot iti toluo talaat modohiu.

"Polisao ku nopo di dii touvi no, titohuod tadau minggu nopo nga RM6,868 no, om ii togumu nopo notoimo nga kakaal i mantad St. Michael, Penampang koginumu do RM2,479 no.

"Au di taagal do booson, tu iti nopo nga sabap nodii panagahan mamanan kikitulan do mikot id panambazangan om di kotouhuzan mitihombus do misa ngaavi.

Kotoimo nogi do titohuod maza online nga au nogi kozo ogumu nung piagahon no di songian tuminimpun nogi ii Panagahan Kapamanan Kikootulan(MCO).

"Tikid vuhan tokou mambanja do kiginumu do RM22,496.80 montok gaji do pakakalaja ngaavi. Kaampai no EPF, SOCSO om EIS. Ada hiivai do mambalai tokou nogi do bill electric, vaig, telephone om UNIFI, elaun do Faado om religious ngaavi, koponoinaan do kulita om kopongumbosian, koumatan do upis om rectory om balanja do suang hamin do faado.

"Aiso dii do Titohuod do Tadau Minggu di piipio vuhan nakatahib suvai ko di kavavaagu. Nung soovon tokou nga kopusou kozo iti ningkokoton do kousinan do Paroki id timpu diti.

"Dadi, sabap no ngaavi diti, do mositi potimpunon tokou iti "Lahan Kavavagu" do kopogiuman kousinan.

Kotohuadan